

BARNAAMIJKAA SHAQAALAHAA AY SHAQO LA'AANTA KU DHACDO

ADEEGYADA LOOGU TALAGALAY SHAQAALAHAA

Raadinta shaqo cusub waxay keeni kartaa kadeed iyo culaab badan. Shaqaale badan oo ay ku dhacdo shaqo la'aan aysan iyagu u sabab ahayn waxay u baahan yihiin in laga caawiyo sidii ay shaqo ugu laaban lahaayeen. Barnaamijka Shaqaalaha ay Shaqo La'aanta ku Dhacdo (The Minnesota Dislocated Worker Program) waxay bixiyaan adeegyo bilaash ah ee dadka looga caawiyo helitaanka shaqo ku habboon—iyagoo ka caawinaya in ay ka qaadaan kadeedka iyo hubaal la'aanta hawsha. Adeegyada waxaa loogu talagalay in wax looga qabto **baahida gaarka ah ee qofka**. Waxaa suuragal ah in aad barnaamijkaan u qalanto haddii ay kugu dhacdo shaqo la'aan aad adigu qaladka lahayn, in aad u qalanto Caymiska Shaqo La'aanta, iyo in aysan suuragal ahayn in aad ku laabato shaqadaadii ama xirfaddaadii hore.

WAA MAXAY FAA'IDADA ADIGA KUGU JIRTA?

Barnaamijka Shaqaalaha ay Shaqo La'aanta ku Dhacdo wuxuu bixiyaa adeegyo kala duwan oo loogu talagalay in dadka laga caawiyo helitaanka shaqada. **Iyagoo mid-ka-mid ula shaqeeynayo qof lataliye ah**, wuxuu qof walba sameynayaa qorshe shaqo oo ay ku jiri karaan waxyaabaha soo socda:

QORSHAHA LATALINTA XIRFADDA:

- **Latalin** iyo **caawimaad** ku saabsan go'aan ka gaaridda xirfadda, sameynta qorshooyin shaqo iyo qorshaha gaarka ah ee lagu helaayo shaqo habboon
- **Qalabka qiimeynta** si wax dheeraad ah looga barto aqoonta, kartida iyo waxyaabaha la xiiseeyo ee ka caawinaya ogaanta ama helitaanka jiho xirfadeed ee suuqa shaqooyinka maanta.

ADEEYGADA MEELEYNTA IYO SHAQO RAADINTA:

Tababarro ayaa jira oo lagu bixiyo daruusta sida shaqada loo raadiyo, oo ay ka mid yihiin:

- Diyaarinta qoraalka taariikhda shaqada iyo waxbarashada iyo isdhaafsiga waraaqaha , aqoonta wareysiga, iyo xiriir hawleedka lagu guuleysto.

- **Sameynta tilmaanta shaqada** iyo sida loo helo shaqooyinka aan la soo dhejin.
- **Naadiyada shaqooyinka/kulannada xiriir hawleedka**—kulannada caadiga ah ee lala yeesho dadka kale ee shaqada raadsanaya si aad u wada sameysataan iyo barataan aqoonta xiriir hawleedka, aad u maqashaan warbixinna shaqooyinka iyo ilaha kale, aad u heshaan tilmaamaha shaqooyinka furan, iyo uga wada hadashaan arrimaha ku saabsan shaqo raadinta.

TABABARKA UU LATALIYAH-AFASAXO:

- **Tababarka muddada soke** si muraajaco loogu sameeyo aqoonta xirfadda ama tababarka muddada fog si loo barto xirfadda shaqada cusub.
- **Aqoonta ficiilka waxtarka leh ee goobta shaqada** ama qaadashada GED-ga.

ADEEGYADA TAAGEERADA:

- Miisaaniyad yar ayaa loogu talagalay kharashyada ay la midka yihii daryeelka qoyska iyo gaadiidka, haddii uu qof u baahdo si uu u gaaro himilooyinka shaqo ama tababar.

WAA MAXAY WAXA XIGA EE AAN QABANAAYO?

Waxaad dalban kartaa Barnaamijka Shaqaalaha ay Shaqo La'aanta ku Dhacdo islamarka aad ogaato in si joogta ah shaqada lagaaga fadhiisiyey ama joojiyey. Waxaa barnaamijka laga helaa Xarumaha Shaqaaleyn ta Minnesota iyo mid kasta oo ka tirsan xiriir hawleedka adeeg bixiyeyaasha gobolka kuwaasoo go'aansan doona haddii aad u qalanto. Waxaad ka helaysaa liiska adeeg bixiyeyaasha cinwaanka internetka: www.positivelyminnesota.com/dw

Qof kasta ayaa dalban kara adeegyada aasaaska ah ee shaqo raadinta iyo ilaha kale iyadoo booqasho lagu tagaayo Xarunta Shaqaaleyn ta. Meelaha ay ku yaaliin iyo saacadaha ay furan yihii waxaa laga helaysaa: www.mnwfc.org/

MACLUUMAADKA CIDDA LALA XIRIIRAYO:

Rapid Response Team
 Minnesota Dislocated Worker Program
 Department of Employment and Economic Development
 1st National Bank Building • 332 Minnesota Street, Suite E200
 St. Paul, Minnesota 55101-1351

Taleefoonka: 651-259-7537 ama 1-866-213-1422 • Faakis: 651-215-3842 TTY: 651-296-3900

Bogga internetka: www.positivelyminnesota.com/dw

